

堂印行

痧脹王衡書後卷目次

痧脹看症法

放痧辨

痧脹麻疹不同辨

痧脹治猶麻疹論

痘疹穢觸相同

兼痧傷寒不同辨

諸痛類痧辨

諸症不類痧辨

論脹

凝壅聚結辨

治痧救人脉論

痧筋統說

傷風痧脉辨

眩暈痧脉辨

痧脹舌胎論

麻疹兼痧脹

痧脹兼麻疹

痧脹類麻疹

麻疹後復痧脹

麻疹夾痧脹蛔結

傷寒黃疸兼痧

痧類陰症

呃逆痧

盤腸痧

自汗盜汗驚惶痧

痧類三瘡

咽喉諸症兼痧

口舌兼痧

類瘋痧

黃氣病兼痧

翻胃噎膈痧

筋骨疼痛痧

箭風痧

久瀉肉瘦痧

婦人隱疾痧

腳氣痧

耳痛痧

手臂痛痧

腫毒夾痧辨

刺螫瘟痧

地膚瘟痧

痧變發頤

急救逆症要法

痢症兼痧

麻木酸痒痧

癰疽一
頭虛足腫癰

黃疸癰

小兒夜啼癰

驚風痰熱癰

死症癰

羊毛癰癰

癰脹破迷論

疫痧二症合編後卷

松江李林馥啟賢氏重校

樵李郭志遠右陶著

痧脹省症法

治病須憑脉。若犯痧脹則脉不對症。症不合脉。或云痧筋為據。亦惟現外焉。且痧脹有為食積阻滯者。有為血痰阻滯者。或阻於上。或阻於中。或阻於下。又或阻於左。或阻於右。或阻於兩腰脇。苟非辨症的確。求其中病也難矣。故治痧脹一見脉之不合。先看痧筋。次審氣色。三聽聲音。四推犯病之由。其間或有食積血痰阻於上中下左右各處之分。須細辨其病原。後用藥不誤也。凡痧脉有一部獨異。有六脉俱異。即有異之中。亦有陰陽虛實。脉之神氣可辨。要非一端可執。尚其審諸。

放痧辨

或曰。子於痧也有先用藥而放刮者。有先放刮而用藥者。非放與刮治更無別法與。曰。放刮之法。猶犯傷寒太陽經症。必用羌活麻黃等藥。少陽經症。必用柴胡黃芩等藥。症有所犯。治有所宜。凡氣分有痧。宜用刮。血分有痧。宜用放。此不易之法。至臟腑經絡有痧。若昏迷不醒等症。非放刮所得治。兼用藥療之。無足怪也。

痧脹麻疹不同辨

麻疹之發。因傷風熱。故身體壯熱咳嗽煩悶。即是班疹之候。麻疹在他方。有名厝子。

有名蚤疹。在構李則名痧子。而痧脹亦名為痧。不可不辨。痧疹因傷風。肌表必虛。虛則毒氣乘虛而泄。故藥雖或涼。仍可用熱飲。若痧脹或因穢氣所觸。或因暑氣所感。或動時行不正之氣。或乘伏寒伏熱過時而來。總不起於外傷風熱。故肌表必實。實則熱毒之氣既脹於胸。腹腸胃之中。若更用熱飲。則熱氣適助其腫脹。無從而泄。故犯此者。有立時脹歿。此不可不辨也。

痧脹治猶麻疹論

麻疹之發。必欲盡透。故治麻疹。須要見於肌表者多。多則毒氣俱泄。然後腸胃不留餘毒。治痧在肌表者。用刮在血肉者。用放。亦猶治麻疹。須盡透肌表之謂也。

痘麻穢觸相同

痘瘡為穢氣所觸。即時作變。痧脹也。麻疹為穢氣所觸。即時反隱。亦痧脹也。若暑氣時行不正之氣。感為痧者。詎無相類者與。

治驗

一陳姓婢。十四歲。四月。壯熱煩悶。腹痛身重。斑痧遍體。脉微而細。觸穢之症也。閱腿灣痧筋。放七針。手指放十餘針。俱紫黑。毒血煩悶稍鬆。用寶花散。阿魏丸。清茶微冷飲之。又付活血順氣之劑。腹痛遂止。斑痧漸散。身體輕快。痘即起發。視其形色。已四朝矣。後皆如期貫膿收靨而愈。可見痘中觸穢。因痧而隱者。比比也。

兼痧傷寒不同辨

犯傷寒者有外感三陽之寒有直中三陰之寒。兼痧者非可俱兼也。痧者熱毒也。熱毒入裡內作腫脹熱毒發外肌膚腫脹或升頭面或散四肢此等惡疾俱由熱毒之氣所攻也。若直中三陰之真寒症無有兼痧者。蓋三陰既已直中則熱氣為寒氣所拒無由而入也。至於外感三陽或先受痧而感寒或先受寒而感痧或痧毒驟發熱極而生寒戰甚至手足厥冷則俱有之。若先有痧而感寒者知其慢痧方可暫散寒邪而後治痧。先有寒而感痧者痧症為重當先治痧而後治寒。至如痧毒驟發熱極而生寒戰手足厥冷者緊痧也。若一誤用發散升提溫飲之藥須防時刻凶危急用凉水飲之稍解胸腹中熱脹之氣然後或刮或放用藥治之。

諸痛類痧辨

腹痛不一有食有氣有火有冷有虫有積俱似痧非痧不可無辨。食者失飢傷飽聚中脘作痛其症遇食即疼胸膈飽悶似痧者一。然按脉氣口必然有力可辨。若因冷氣入胃食與寒氣相搏於中則心脾鬱結胸脇滿悶中脘作疼似痧者二。然按脉氣口必然無力但有嘈雜衝胸煖氣吞酸可辨。氣者因怒氣所傷不得發越胸膈氣塞衝激心脾嘔逆惡心吐不能出其痛手不可按坐臥不定奔走叫呼似痧者三。然按脉兩關必然洪大餘部俱必應指及刮之無痧痧筋不現可辨。火者因熱作痛胃火

上逆嘔吐酸水必然口渴欲飲飲入即吐其症手足溫煖面帶陽色似痧者四然按脉六部洪數又與痧類難以細分必省痧筋兼用刮發可辨冷者久屬虛寒沉寒作痛其脉必然平軟似痧者五但飲熱則安飲冷痛發可辨虫者胃脘疼痛有如刀觸痛極按心搔爬難定兼之脉息無倫徐疾不一似痧者六然虫必有因各有所喜如茶虫喜食茶葉糖虫喜食糖物或泥或絮或酒或鹽其為虫也必有一好食之便安若遇桷榔五靈脂殺虫等藥或藥性力薄不能驅逐而出勢必咬齧翻動陽胃更加疼痛可辨積者舊有宿積聚結腸胃忽因行動作痛作疼似痧者七然痧筋罕現刮痧無影可辨如是辨之的確方知痧痛詳明治之得法然此諸痛又有兼痧者將論脉閱筋而加察焉鮮有不得其理矣。

諸症不類痧辨

凡心腹脹痛因痧既知之矣痧症仍有不痛不脹者或兼痧或暗痧誤飲溫熱便致凶危等也余竊謂凡遇危症病家不識痧筋猶用刮痧可辨醫家或認脉不清尚有痧筋可詳若內人不便閱視果緣痧脹凶極脉未有對症者以是辨之百不失一也

論脹

脹者氣之閉也氣為毒壅故作腫作脹所以治痧當先治氣如食阻其氣於上則吐之食壅其氣於中則消之食化而結其氣於下則導之凡諸積之阻滯概然凡下竅

閉者多上吐或吐蛔或吐血當導氣於下中竅閉則下瀉或瀉水或瀉蛔當行氣於中上竅閉而復升則作悶或頭疼或上腫俱當用清涼引下之至如氣為毒壅必傷血分若乃血為毒凝活血為上血為毒壅破血為先血為毒聚且結敗血為要故治痧必兼治血蓋血活毒氣行血破毒氣走血敗毒氣散如是毒氣不留治斯效也

凝壅聚結辨

凝壅聚結皆血分痧毒惡症其間有輕重之別凝者初犯之症壅者凝多而壅聚者血壅或左或右結者血滯一處故痧毒中血分結為重聚次之壅又次之凝為輕凝以紅花澤蘭為主壅以延胡索桃仁為主聚以蘓木茜草為主結以五靈脂降香為主輕者用藥不可重重則恐傷本原重者用藥不可輕輕則治之不效

治驗

一尹鈞萬咳嗽痰喘有以緊勞治之病日增背鞠如弓手足踈緊不能展動嗽則胸腹百骸弔痛延余診之脉洪大無倫此毒血壅聚也兼又難刮難放先以圓紅散微冷飲之兩手稍鬆漸為放刮訖又以圓紅散加三七鬱金末微溫飲之更以蘓木茜草為主多加順氣活血之類如前飲之計日放痧一次者四日用藥一服者五遂痊一萬君安內室兩脇如痞按之則痛心胃間高起服藥難療延余左脉微細右脉洪大此慢痧痧毒結聚也計放痧三次付以五靈脂降香為主加桃仁延胡索及

消食行氣之類。日用一服。計十二劑。如舊。

一陳弘業寒熱嘔吐。苦難俛仰。腹中脹痛。夜不能寐。六脉弦細而緊。數刮放。暑鬆用紅花澤蘭。劉寄奴。萬草桑寄生。併行氣消食之藥。微溫飲之。二劑而愈。

治痧救人脉論

或謂余曰。古書所載屋漏雀啄諸怪脉。現者死。脉代者死。為五臟有絕也。况一部無脉。二三部無脉。焉得有生理乎。及覽玉衡痧脉。止有六部無脉者死。即諸怪脉。必曰放痧。服藥不應者死。與古書所載不同。何歟。曰。古人論此等脉。為死脉者。其常也。余論此等脉。尚當救之者。因乎痧之變也。凡痧脹之脉。都有類諸死脉者。余惟見此疾實憐之。莫萬有一可救者。因痧之變。不執常脉而輕棄之也。

治驗

一陳見雅內室。懷娠發熱。赤痢腹痛不止。服他藥不效。余診之。脉四動一止。代脉也。聞有痧筋。放二十餘針。用寶花散。微冷服之。付以桑寄生。益母草。連翹。蘓梗。紅花。金銀花。山查。葛子。當歸。枳殼。青皮。黃芩。微冷飲四劑而痊。

一張舜瞻側室。腹痛嘔痰。嘔吐延余。脉如彈石。知其患痧痛極。脉亦變也。令其婢放痧三十餘針。用寶花散。救苦丹。砂仁湯。稍冷飲之。付以獨活紅花湯。加山查神麴。葛子。青皮。微冷飲二劑而愈。

一傳純字。發熱昏沉。脉如解索。先用陰陽水搗茅苴汁飲之。放指臂痧三十餘針。稍覺清爽。用細辛大黃丸。清茶稍冷飲之。付以荊芥銀花湯。加青皮微溫服。二劑而痊。

一鄔雲公。頭面紅腫。目閉喉痛。六脉無根。知其痧氣阻塞脉路也。刺腿足痧四十餘針。流紫黑血甚多。又刺手臂痧二十餘針。未愈。用清涼至寶飲。減細辛。加山豆根射干牛膝石斛桑皮枳殼。稍冷飲三劑而痊。

一金子近。次子祖翼九月間。遽因勞動。飲食不時。忽壯熱頭痛。自此紫蘇湯薰頭而大汗。胸中脹悶。他醫用藥下之。反口吐白沫。時有議以為痧。乃更延醫診視。見舌胎灰色。以傷寒藥治之。子近恐犯痧氣。先以半小盃試服。少頃即謔語。片時而止。熱仍不解。愈覺沉重。脉有八至。遂連易三醫。皆云傷寒。三次服藥皆昏沉。謔語如前。第五日眼如火赤。唇若塗硃。鼻如煙煤。舌胎黑燥枯乾。而短聲音不清。足冷至腹。陰囊卵縮。肉脫神昏。醫者皆辭不治。已備後事。至七日乃始放痧。因病勢危篤。止放二針。唇眼舌聲諸死症頓愈。陰囊二卵漸舒。脉竟平復。始現腹痛。乃知口渴。因感人言。痧症不可服藥。止服童便。服紫金錠而痛止。後又隨痛隨服。繼進飲食。大便乾結。至十八日。用蜜導法。遂變下痢。日夜五六十次。凡六日始服痧症約一劑。即安睡。痢乃止。後延他醫調理補之。不數日睡時即發。遍身水晶痞癰。覺時

即隱醫家莫解其故。子近因刮穿頸間痞癰。流出皆汗也。即盜汗不止。他醫咸謂久病虛脫。大用補劑。飲汗不惟無益。更加自汗。且完穀不化。小便短赤。頻數變為砂淋。醫又皆束手謝事。爰復放痧。用八正散二劑。服之痧氣始轉。身即壯熱。約有二更時。身涼汗止。惟日食生茨菇。五六日砂淋亦止。而全愈。祖翼之病。變幻遲久。總因止放二針。不服痧症藥。以除根之故也。究以治痧而得全脉。而八至死症雖多。其可棄耶。

一金子近長子權可。八月間發斑。遍身如麻疹狀。延他醫視之。則曰癰疹。復延幼科診之。亦云痧疹。服藥十日不退。脉僅二至。醫家因疑其少年鑿喪。故爾虛脫。欲用補劑。子近恐亦痧氣。不敢服。命權可起而視之。則遍身痧點。皆活動。流注兩腿皮肉紅紫。因放腿灣痧一針。而皮肉白。又放腿灣痧數針。而皮肉皆白。惟小腿紅紫未退。卧即復流動。遍散於身。仍作稀稀斑點。緣脉尤二至。用川烏草烏為一小丸服之。脉復如常。大汗出而全愈。

痧筋統說

或曰。前書放痧有十。今放痧者。奚不止於此。余曰。遍身青筋。古有載矣。謂放痧有十者。不過就痧毒先達臟腑者明之耳。至腿灣痧筋。尤人易曉。余詳之。為初學者。便推而廣之。寧有暨乎。

傷風痧脉辨

或曰。前予傷寒辨痧詳矣。若犯痧似傷風何如。余曰。肺主皮毛。心主血。肝主筋。傷風犯痧。三部脉見者居多。且風陽也。風傷衛在表。故脉浮。傷風有汗。表虛也。故脉緩。有犯此症。脉不浮緩。反見沉緊。或洪大。痧脹一驗也。若傷風帶寒。鼻塞畏冷。脉當浮而微。緊脉反沉伏。或扎長。痧脹二驗也。若傷風熱。鼻塞嚴重。喉痛。脉當浮而微。數脉反沉緊。或扎。或伏。痧脹三驗也。若傷風有痰。氣急發喘。脉當浮滑。反微。沉伏。痧脹四驗也。以此推之足矣。

治驗

一駱叔源傷風發熱。咳嗽痰喘。已半月矣。左脉沉伏。右脉濡而微。數此慢痧為患也。左腿灣放二針。紫黑血流至足。又刮痧不愈。付寶花散加明礬末稍冷湯飲之。用荊芥湯。減川芎加蘇子。紅花蒲黃土貝母烏藥。微冷飲之而愈。

一高允謨傷風鼻塞。肩背拘急。頭頂疼痛。有以足太陽膀胱經藥治之。頭頂益痛。叫喊不已。甚至肩背沉重。時覺昏迷。延余治之。左寸微伏。右關扎大。先服圓紅散。稍醒。刺腿灣六針。不愈。用寶花散。清茶微冷飲之。肩背稍轉。頭痛少安。詢所服者。腹中覺冷。即用防風散痧湯。減枳殼加羌活川芎紫蘇烏藥。溫飲寒散而安。

一凌公遠內室傷風喉啞胸腹胞悶。兩關俱扎。余曰。扎者瘀血。未有上下俱瘀。其

痧乎。其家人刮之。紫痧甚多。飽悶即解。付獨活紅花湯。加射干前胡薄荷石斛連翹元參二劑。微冷飲之。傷風喉啞俱痊。

眩暈痧脉辨

暈有血暈氣暈。痰暈火暈。濕暈暑暈。有血虛發暈。有氣虛發暈。有風中而暈。有寒中而暈。有勞力而暈。今加之以痧暈。古人無治。古書無論。何以知之。大都血暈脉孔氣暈脉沉痰暈脉滑火暈脉數濕暈脉濡暑暈脉虛血虛發暈脉濇氣虛發暈脉微風中而暈脉浮緩寒中而暈脉弦緊勞力而暈脉右尺浮洪此暈脉之大畧也。若病似血暈脉反短似氣暈脉反浮似痰暈脉反濇似火暈脉反遲似濕暈脉反勁似暑暈脉反實似血虛發暈脉反滑似氣虛發暈脉反大似風中而暈脉反沉緊似寒中而暈脉反微緩似勞力而暈脉反細實是皆脉症不合。余歷驗之。而信其為痧。此痧暈之治不誣也。

治驗

一陳肅遠嘗若發暈。醒則日夜頭眩。余往視之。脉右虛左實。徐疾不常。余曰。此非放痧不可。於腿灣上下放十餘針。紫黑血流如注。指上亦放二十餘針。用寶花散沉香阿魏丸清茶稍冷飲之。付防風勝金湯。加桃仁紅花稍冷飲之。後遂不復患眩暈。

一姜渭濱內室正月間驟然發暈。一日三次舉家惶恐。余見其脉沉而微緊。令其婢為指上放痧三十餘針。用救苦丹加沉香末清茶稍冷飲之。付荊芥銀花湯加蜀子枳殼一劑而痊。

一梅君玉子三月間吐蛔發暈昏沉不醒六脉俱伏。左右虎口脉青色。放指頭痧一十八針。用細辛大黃丸清茶調黑糖稍冷飲之。漸甦。付蒲黃飲減姜黃加陳皮烏藥紅花微冷湯調黑糖飲之。乃愈。

一霍庭賢內室四月間壯熱面赤。口渴唇焦。有以陽明胃經症藥治之。遂發暈。終日不醒。余診之脉兩寸弦細。兩關沉微。兩尺左大右緊。曰脉症不合。痧毒內攻也。先用蘇木散砂仁湯微冷飲之。令其老婦放指上痧二十餘針。血色墨黑尤不醒。後令放乳邊痧二針。乃甦。餘症不減。用蒺藜散微溫湯飲之。付桃仁紅花湯加枳殼四劑。下盡惡毒黑物而痊。

一盛思虞六月間飲酒頭汗發暈。脉寸關洪大無倫。兩尺脉伏。閱痧筋放十餘針。皆紫黑毒血。付陳皮厚樸湯加乾葛山查。蜀子微冷飲之而醒。又用藿香湯加黃連黃芩乃安。

痧脹舌胎論

或謂全書載痧論治俱備。舌胎僅存其名。豈痧脹舌胎無可治乎。余曰非也。蓋謂痧

痲瘋一症名錄

脹有別症之舌胎則可。謂舌胎即痧脹之症。是不識痧脹之適當其然。併不識舌胎之所以然也。誠以舌胎乃足陽明胃腑熱病。故治痧脹先理其痧。後治舌胎。即安。若先理舌胎。後治痧脹。則危。蓋舌胎乃胃腑熱極。氣衝心胸。舌為心苗。故見胎。治宜石膏黃連大黃黃芩黃柏之類。若不先治痧。恐此等藥又寒凝血分。反成大患。故治此者。要着痧毒一退。即治舌胎可也。

治驗

一翁在茲。發熱口渴。舌有黑胎。臥難轉動。氣急痰喘。六脉洪實。放痧三十餘針。未愈。用圓紅散砂仁湯微溫飲之。又付必勝湯。大便下黑糞。惟口渴黑胎未愈。加石膏黃連二劑。乃瘳。

一曹華字長子。十一月間。犯傷寒兼痧。舌卷耳聾。舌上黑胎芒刺。大渴昏沉。發熱身重。不能轉側。胸中迷悶。瀉痢清水。先以圓紅散加鬱金。未清茶稍冷飲之。放指上痧三十餘針。未愈。用阿魏丸。付以防風散痧湯。合稜朮湯。加桃仁紅花一劑。俱微冷飲之。舌卷耳聾漸愈。瀉水即止。大渴稍解。但舌胎不退。胸中飽悶。詢其腹中厥冷。痧氣已絕。用和脾宣化飢減前胡大腹皮加桃仁紅花枳實青皮石膏黃連大黃。微溫飲之。食結飽悶俱消。黑胎芒刺皆退。惟大便不通。用大黃三錢。芒硝一錢。溫飲之。大便通而愈。

二百年二
一張旋庵內室傷食飽悶按之則痛日晡發熱舌心焦黃芒刺延余脉微無力余曰痧也放腿灣痧三針流紫黑毒血用紫撲湯加柴胡乾葛微冷飲之後加石膏黃連大黃黃栢溫飲四劑大便秘下宿糞而愈

一龔雲濤發熱嘔噦舌有黑胎芒刺起二大泡踈卧較重迷悶幾死脉左弦緊右微細放腿上痧二十餘針用三黃石膏湯微溫飲之稍愈驟進飲食迷悶復發用消食順氣之劑後加大黃芒硝大便通而安

麻疹兼痧脹

麻疹方惟是升發清涼解利茲竟有若此不治者因不知麻疹中有痧也蓋麻疹乘虛而發若穢氣暑氣時行不正之氣亦可乘病而感苟犯痧者但先治痧脹麻疹自發自散蓋麻疹兼痧脹痧脹為難麻疹反隱而難現不可不辨也

治驗

一金權可二月間犯時行麻疹心胸煩悶延余治之脉症不合放痧後用寶花散併活血順氣消食之劑俱調黑糖候稍冷飲之復刮痧訖如前服二劑乃安

一潘質黃子犯麻疹脉微放腿灣痧二針血流紫色又放指上痧三十餘針付圖紅散併清涼至寶飲合紅花湯俱微冷飲之即愈

一余弟驥武子八歲正月間犯麻疹胸腹脹悶煩躁熱渴咳嗽氣急面赤身熱脉

不洪大反見細數放腿瀉痧二針付圓紅散沉香丸用荊芥薄荷湯合枳實大黃湯俱微冷飲之痲疹即發透隨散而愈其時一僕婦亦咳嗽煩悶同犯痲疹如上治而痊

一王日斯女壯熱咳嗽痲疹初現氣急面赤脉症不合放指上痧二十餘針付圓紅散加沉香末調黑糖湯稍冷飲之用清氣化痰飲合蒲黃飲均微冷飲之即發透隨散而愈

痧脹兼痲疹

傷風咳嗽煩悶為痲疹之候然亦有痲疹未發或觸穢氣或感暑氣或吸時行不正之氣當即痧脹或心痛腹痛或脹悶喘急或偏身疼痛或發暈昏沉一似痲疹不發內攻心腹痛及週身使止認為痲疹之候升發之勢必危殆不知傷風咳嗽煩悶雖有痲疹發於日後其痧脹內攻即痲疹有現形者因之反隱更助痧脹為禍況痲疹未形痧脹沉重可不先救痧脹乎

治驗

一陸迪安內人發熱咳嗽胸腹疼痛叫喊非常脉症不合令其僕婦放腿瀉痧未愈先以寶花散阿魏丸清茶稍冷飲之付必勝湯減大黃加枳實連翹藟子二劑微冷飲之疼痛稍已次日如前劑減五靈脂加荊芥黃芩微溫飲之疼痛乃止痲疹即發再劑而痊